

ხელშეკრულება სახელმწიფო შესყიდვის შესახებ N ბ/5/12/149

ქ. თბილისი

03 მაისი 2011 წ.

ერთის მხრივ, სსიპ „საქართველოს შოთა რუსთაველის თეატრისა და კინოს სახელმწიფო უნივერსიტეტი“ შემდგომში „შემსყიდველი“, ადმინისტრაციის ხელმძღვანელის ზაზა აბულაძის სახით, რომელიც მოქმედებს საქართველოს კანონმდებლობის საფუძველზე და მეორეს მხრივ შპს „დეგაპრინტი“ შემდგომში „მიმწოდებელი“, დირექტორის დავით სომხაძე სახით, რომელიც ასევე მოქმედებს საქართველოს კანონმდებლობის საფუძველზე, გამარტივებული შესყიდვის საშუალებით დებენ წინამდებარე ხელშეკრულებას შემდეგზე;

1. ხელშეკრულების საგანი

1.1 მიმწოდებელი იღებს ვალდებულებას ამ ხელშეკრულების პირობების თანახმად მიაწოდოს შემსყიდველს საქონელი ამ ხელშეკრულების საფუძველზე დანართი № 1-ს (ფასების ცხრილი) შესაბამისად;

1.2 შემსყიდველი იღებს ვალდებულებას აუნაზღაუროს მიმწოდებელს ხელშეკრულების ფასი ხელშეკრულებით განსაზღვრულ ვადებში და ფორმით.

2. ფასი და გადახდის პირობები

2.1 წინამდებარე ხელშეკრულების საერთო ღირებულება შეადგენს: **245 (ორასორმოცდახუთი) ლარს;**

2.2 ამ ხელშეკრულების 1.1 პუნქტის შესაბამისად შეკვეთილი საქონლის ერთეულის ფასი და საერთო ღირებულება შეიცავს მიმწოდებლის ყველა ხარჯებს, დაკავშირებულს საქონლის მიწოდებასთან და შემსყიდველის საკუთრებაში გადაცემასთან, ასევე კანონით გათვალისწინებულ გადასახადებს;

2.3 ხელშეკრულების საერთო ღირებულება უცვლელია ხელშეკრულების მოქმედების მთელ პერიოდში;

2.4 საქონლის ღირებულების ანაზღაურება მოხდება მიღება-ჩაბარების აქტის, ანგარიშგაქტურის ან/და სასაქონლო ზედდებულის საფუძველზე საქონლის მიწოდების შემდეგ.

3. ხარისხი

3.1 საქონლის ხარისხი უნდა შეესაბამებოდეს ამ ხელშეკრულების 1.1 პუნქტის შესაბამისად განხორციელებული შეკვეთების მაჩვენებლებს;

3.2 მიმწოდებელი პასუხს აგებს მიწოდებული საქონლის ხარისხზე, ხოლო შემსყიდველი უფლებამოსილია ჩაატაროს ხარისხის კონტროლი საქონლის მიწოდებიდან 5 (ხუთი) დღის განმავლობაში, თუ ამ პერიოდში აღმოჩნდება უხარისხო (წყუნდებული) საქონელი მიმწოდებელი ვალდებულია არაუმეტეს 3 (სამი) სამუშაო დღეში გამოცვალოს წუნდებული პროდუქცია ან დაუბრუნოს შემსყიდველს აღნიშნული საქონლის ღირებულება;

4. მიწოდების წესი

4.1 საქონლის მიწოდებას უზრუნველყოფს მიმწოდებელი საკუთარი ხარჯებით ამ ხელშეკრულების საფუძველზე, არაუმეტეს 2011 წლის 20 მაისამდე;

4.2 მიმწოდებელი ვალდებულია საქონლის მიწოდებისას უზრუნველყოს თანმხლები დოკუმენტაციის წარმოდგენა, მათ შორის: ანგარიშ-გაქტურა ან/და სასაქონლო ზედნადები;

4.3 მიმწოდებელი ვალდებულია გადასცეს შემსყიდველს უფლებრივად და ნივთობრივად უნაკლო საქონელი;

4.4 შემსყიდველი უფლებამოსილია გადაცემის დროს ჩაატაროს საქონლის შემოწმება/ტექნიკური კონტროლი, რისთვისაც გამოყოფს უფლებამოსილ პირს, რომელიც აგრეთვე უფლებამოსილია ჩაატაროს ხელშეკრულების პირობების შესრულების ინსპექტირება, ხოლო მიმწოდებელი ვალდებულია ხელი შეუწყოს ინსპექტირების ჩატარებას;


4.5 შემსყიდველი უფლებამოსილია განაცხადოს უარი დაგვიანებით მიწოდებული, ან უხარისხო (წყუნდებული), ან არასათანადო შეფუთული, ან არასრული თანმხლები დოკუმენტაციის მქონე საქონლის მიღებაზე და მის ანაზღაურებაზე;

4.6 საქონლის გადაცემა დასტურდება ორივე მხრის მიერ ხელმოწერილი მიღება-ჩაბარების აქტით;

4.7 მიღება-ჩაბარების აქტის ხელმოწერამდე ყველა ქონებრივი უფლება საქონლზე პასუხისმგებლობა და რისკებზე მისი შემთხვევით (მთლიანად ან ნაწილობრივ) გაფუჭებაზე ან რაიმე ზიანზე ეკისრება მიმწოდებელს, ხოლო ხელმოწერის მომენტიდან აღნიშნული უფლებები და რისკები გადადის



შემსყიდველი





შემსყიდველზე. მიმწოდებელი ვალდებულია გადასცეს შემსყიდველს უფლებრივად და ნივთობრივად უნაკლო საქონელი.

#### 5. ანგარიშსწორების წესი

5.1 შემსყიდველი იღებს ვალდებულებას გადაუხადოს მიმწოდებელს ამ ხელშეკრულებით განსაზღვრული ანაზღაურება საქონლის გადაცემის შემდეგ 7 (შვიდი) სამუშაო დღის განმავლობაში მიღება-ჩაბარების აქტის, ანგარიშ-ფაქტურის ან/და სასაქონლო ზედდებულის საფუძველზე, მასში აღნიშნული ოდენობის შესაბამისად;

5.2 ანგარიშსწორების ვალუტა - ლარი;

5.3 გადახდის ფორმა - უნაღდო ანგარიშსწორებით;

5.4 გადაცემის თარიღად ითვლება მიღება-ჩაბარების აქტის ხელმოწერის თარიღი.

#### 6. მხარეთა პასუხისმგებლობა

6.1 თავიანთი ვალდებულებების არასათანადოდ შესრულების შემთხვევაში მხარეები პასუხს აგებენ ამ ხელშეკრულებითა და მოქმედი კანონმდებლობით გათვალისწინებული წესით;

6.2 შემსყიდველი უფლებამოსილია მიმწოდებლის მიზეზით ხელშეკრულებით დადგენილი საქონლის მიწოდების ვადის დარღვევით მიწოდების შემთხვევაში, დააკისროს საურავი ყოველ გადაცილებულ დღეზე ხელშეკრულების საერთო ღირებულების 0,1%-ის ოდენობით, ხოლო თუკი ადგილი აქვს ვალდებულების ნაწილის შეუსრულებლობას, ვალდებულების შეუსრულებელი ნაწილის 0,1%-ის ოდენობით ყოველ გადაცილებულ დღეზე;

6.3 გადახდის ვადის გადაცილების შემთხვევაში მიმწოდებელი უფლებამოსილია დააკისროს შემსყიდველს საურავი ყოველ გადაგადაცილებულ დღეზე გადაუხდელი თანხის 0,1%-ის ოდენობით;

6.4 მხარეები გამოიყენებენ ყველა შესაძლებლობას წარმოქმნილი უთანხმოების აღმოსაფხვრელად მოლაპარაკების გზით. უთანხმოების მოლაპარაკების გზით აღმოფხვრის შეუძლებლობის შემთხვევაში მხარეები მიმართავენ სასამართლოს;

6.5 მხარეები არ აგებენ პასუხს ხელშეკრულების პირობების შესრულებაზე მხოლოდ მათგან დამოუკიდებელი სტიქიური უბედურების ან სხვა ფორს-მაჟორულ შემთხვევაში.

#### 7. ფორს-მაჟორი

7.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული, როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას;

7.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაუალაზრებელი და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველის ან/და მიმწოდებლის შეცდომებთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა;

7.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებებისა და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებებისამებრ, მიზანშეწონილობისა და შესაძლებლობების მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

#### 8. სხვა უფლებები და ვალდებულებები

8.1 შემსყიდველი უფლებამოსილია არ მიიღოს მიწოდებული საქონელი იმ შემთხვევაში, თუ აღმოჩნდება ნაკლოვანებები, რომლებიც გამორიცხავენ საქონლის გამოყენებას დანიშნულებისამებრ;

8.2 იმ შემთხვევაში, თუ შემსყიდველი უარს განაცხადებს მიღება ჩაბარების აქტის ხელმოწერაზე, იგი ვალდებულია 5 (ხუთი) დღის განმავლობაში წარუდგინოს მიმწოდებელს დასაბუთებული უარი, წინააღმდეგ შემთხვევაში საქონელი ითვლება მიღებულად და ექვემდებარება ანაზღაურებას;

8.3 ორივე მხარე უფლებამოსილია მოშალოს ეს ხელშეკრულება ცალმხრივად, თუ მეორე მხარე ვერ უზრუნველყოფს თავის ვალდებულებების ჯეროვან შესრულებას ან მოქმედი კანონმდებლობით გათვალისწინებულ სხვა შემთხვევაში;

შემსყიდველი



მიმწოდებელი





8.3.1. შემსყიდველის მიერ იმ შემთხვევაში, როდესაც მიმწოდებელი ვერ უზრუნველყოფს თავისი მიზეზით ხელშეკრულებით გათვალისწინებულ ხარისხიანი საქონლის დადგენილ ვადებში მიწოდებას;

8.3.2. მიმწოდებლის მიერ იმ შემთხვევაში, როდესაც შემსყიდველი არ უზრუნველყოფს ხელშეკრულებით განსაზღვრული პირობების შესრულებას.

8.4 ხელშეკრულების დამრღვევი ერთი მხარე ვალდებულია წერილობით შეატყობინოს მეორე მხარეს ხელშეკრულების დარღვევის მიზეზებზე, საკითხის გადაწყვეტობის შემთხვევაში ხელშეკრულების გაუქმება ხდება 5 სამუშაო დღის ვადაში.

## 9. სხვა პირობები

9.1 ეს ხელშეკრულება ძალაში შედის მხარეთა უფლებამოსილი წარმომადგენლების ხელმოწერის დღიდან და მოქმედებს მხარეთა მიერ ნაკისრი ვალდებულებების სრულ შესრულებამდე, მაგრამ არა უგვიანეს 2011 წლის 30 მაისამდე;

9.2 მხარეთა შორის სადაო საკითხები წყდება მხარეთა მოლაპარაკების გზით. 10 სამუშაო დღის განმავლობაში შეთანხმების მიუღწევლობის შემთხვევაში მხარეები მიმართავენ სასამართლოს;

9.3 ხელშეკრულებაში დამატებების ან/და ცვლილებების შეტანა შესაძლებელია მხოლოდ წერილობითი ფორმით მხარეთა უფლებამოსილი წარმომადგენლების ხელმოწერით;

9.4 ორივე მხარე უფლებამოსილია მოშალოს ეს ხელშეკრულება ცალმხრივად, თუ მეორე მხარე ვერ უზრუნველყოფს თავის ვალდებულებების ჯეროვან შესრულებას ან მოქმედი კანონმდებლობით გათვალისწინებულ სხვა შემთხვევაში, რაზედაც მხარემ უნდა შეატყობინოს მეორე მხარეს 2 სამუშაო დღით ადრე;

9.5 ხელშეკრულების საერთო პირობები, მათ შორის ფორს-მაჟორისა და ინსპექტირების პირობები მიიღება „სახელმწიფო შესყიდვების განხორციელების წესის შესახებ“ დებულების შესაბამისად;

9.6 წინამდებარე ხელშეკრულება შედგენილია ორ თანაბარ იურიდიული ძალის მქონე ეგზემპლარად. ერთი ეგზემპლარი ინახება შემსყიდველთან, ხოლო მეორე მიმწოდებელთან.

## 10. მხარეთა იურიდიული მისამართები და ხელმოწერები:

„შემსყიდველი“ სსიპ „საქართველოს შოთა რუსთაველის თეატრისა და კინოს სახელმწიფო უნივერსიტეტი“

საიდენტიფიკაციო კოდი: 203851028

მისამართი: ქ. თბილისი, რუსთაველის გამზ. N19

ტელეფონი: 983083

ბანკი: სახელმწიფო ხაზინა

ბანკის კოდი (მფო): 220101222

ანგარიშის N: 200122900

„მიმწოდებელი“ შპს „დეგაპრინტი“

საიდენტიფიკაციო კოდი: 204444477

მისამართი: ქ. თბილისი, ვირსალაძის N8

ტელეფონი: 99 50 07


ბანკი: ს.ს. „საქართველოს ბანკი“ ც/ფ

ბანკის კოდი (მფო): 220101502


ანგარიშის N: 3606 9810 2051 5657 0000

იურიდიული მისამართის ან/და საბანკო რეკვიზიტების შეცვლის შემთხვევაში მხარეები ვალდებული არიან 3 დღის ვადაში წერილობით აცნობონ ერთმანეთს ამის შესახებ.

„შემსყიდველი“  
სსიპ „საქართველოს შოთა რუსთაველის  
თეატრისა და კინოს სახელმწიფო  
უნივერსიტეტი“

  
ზ. აბულაძე

შემსყიდველი



3

„მიმწოდებელი“  
შპს „დეგაპრინტი“





2011 წლის 3 მაისის № 2/5/12/149 -ხელშეკრულებასთან

03.05.2011წ.

ფასების ცხრილი

№	დასახელება	ზომის ერთეული	რაოდენობა	ერთ. ფასი (ლარი)	საერთო ფასი (ლარი)	მიწოდების ადგილი
1	საეიზიტო ბარათი	ცალი	1,000	0.245	245.00	ქ. თბილისი, რუსთაველის გამზ. 19

"შემსყიდველი"

სსიპ „საქართველოს შოთა რუსთაველის თეატრისა და კინოს სახელმწიფო უნივერსიტეტი“

*გ. აბულაძე*  
გ. აბულაძე  
ადმინისტრაციის ხელმძღვანელი



"მიმწოდებელი"

შპს „დეგაპრინტი“

დირექტორი

*გ. ხატიანი*





მიღება-ჩაბარების აქტი № ბ/5/12/149/1

2011 წლის 3 მაისის № ბ/5/12/149 ხელშეკრულებაზე

ქ. თბილისი


19 მაისი 2011 წ.

ერთი მხრივ, სსიპ „საქართველოს შოთა რუსთაველის თეატრისა და კინოს სახელმწიფო უნივერსიტეტი“ შემდგომში „შემსყიდველი“, ჯაბა სიხარულიძეს სახით, რომელიც მოქმედებს საქართველოს კანონმდებლობის საფუძველზე და მეორე მხრივ, შპს „დეგაპრინტი“ შემდგომში „მიმწოდებელი“, დირექტორის ლაშა სოხაძის სახით, რომელიც ასევე მოქმედებს საქართველოს კანონმდებლობის საფუძველზე, 2011 წლის 3 მაისის № ბ/5/12/149 ხელშეკრულების შესაბამისად ვადგენთ მიღება-ჩაბარების აქტს მასზედ, რომ მიმწოდებელმა მიაწოდა ხოლო შემსყიდველმა მიიღო ხელშეკრულებით გათვალისწინებული საქონელი საერთო ღირებულება 245 (ორასორმოცდახუთი) ლარის ოდენობით დანართი № 1 - ს შესაბამისად.

მიღება-ჩაბარების აქტი შედგენილია ორ თანაბარ იურიდიული ძალის მქონე ეგზემპლარად. ერთი ეგზემპლარი ინახება შემსყიდველთან, ხოლო მეორე მიმწოდებელთან.

„შემსყიდველი“  
სსიპ „საქართველოს შოთა რუსთაველის  
თეატრისა და კინოს სახელმწიფო  
უნივერსიტეტი“

„მიმწოდებელი“  
შპს „დეგაპრინტი“

  
ჯ. სიხარულიძე  
